


吏部處分則例



			九二五三	漢書門
一八六	七〇			
冊	架	函	號	類

三九六	九二五三	漢
一八六	一八三	書
冊	架	類

內閣文庫		
番號	漢	9253
冊數	18	(14)
函號	296	97

共十八本

世二之七




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





欽定吏部處分別例卷之三十二目錄

驛遞

給發勘合火牌沿途應付

騷擾驛遞


盛京等處騷擾驛站

奉差新疆人員馳驛定限

枉道擾驛

私用夫馬

安塘驛馬



兵目錄

騷擾營汛

驛官許逕報部

私幫驛馬

私撥船隻

違悞驛務

驛站廢弛

驛馬虧缺疲瘦

扣剋驛餉

多支驛站錢糧

給發勘合錯悞

背包額定斤數

解餉不照數給夫

解餉先期知會前途預備撥護

遲延公文

遞送軍機處公文遲延

遞送遲延取結

扣關公文

軍臺撥通文報

沉匿緊要公文

驛站多給夫馬科派累民

私發馬匹

欽定吏部處分則例卷之三十二

驛遞

給發勘合火牌沿途應付

一凡差遣官員在內由兵部在外由督撫給與勘合火牌將應給馬匹人數傳知首站轉傳下站一體預備該司驛官仍將應付過馬匹人數填註印花按起申送該督撫彙齊逐起按驛站先後粘貼成本按月送兵部查核如差員跟役中途遇有事故應行扣除者令奉

差官員將勘牌付驛註明即由該驛轉傳下
 站一體扣除如不於勘牌註明即係差員冒
 支將該差員叅處按其多乘馬或申報遺漏
 將司驛官叅處照失報事至司驛官應付稽
 遲該差員即隨時具報照稽遲應付例降一
 級調用該差員有在道逗遛等情兵部仍憑
 督撫送到印花按站稽核

騷擾驛遞

一凡出差馳驛官員領去人等毆辱管驛人員
 及非係緊差故意馳斃驛馬或乘騎越站索
 詐財物者將領去之員革職

盛京等處騷擾驛站

一凡差往

盛京等處馳驛行走員役有騷擾驛站者亦照直
 省騷擾驛站例許驛站官員一面申報該將
 軍一面報部查核如管站官徇情不行報部
 者降二級調用

奉差新疆人員馳驛定限

一凡奉差人員除奉

特旨馳赴新疆及新疆各處因有緊要事務專差來京者均當儘力趲行無庸定限外其尋常派委人員摠以日行一百里為率如有遲違其由京赴新疆者令該處大臣查核叅奏由新疆來京者令該管大臣查核叅奏交部議處其到京事竣給領回文後祇予二十日之限即令起程如有托故遷留者亦即查叅議處至由新疆解送

貢品來京不如空身單騎之便捷應聽該處大臣酌定行走程期於文內聲明以便察核

枉道擾驛

一奉差官員不遵勘牌填註道路枉道支取驛站夫馬者降二級調用濫應驛站官降一級調用凡遣發兵運送紅衣法貢取路平坦調撥官兵取路順便例不拘分定省分由行者不在此限

私用夫馬

一督撫以下各官違禁私用驛遞夫馬私發牌
票支取夫馬者均降二級調用應付之官革職
驛傳道降二級調用失察司道以下私用私
支之督撫降一級留任凡上司家人不持勘
合私騎驛馬將私動驛馬之上司及濫應各
員并失察之督撫亦照此例分別議處

安塘驛馬

一安塘筆帖式領催披甲如有親身不行馳遞
令家人馳遞者革職甚至打圍行走刻剝官
役故意走死驛馬及勒索好馬干預地方事
務擾害百姓者俱從重治罪該督撫徇情不
叅降二級調用

騷擾營汛

一官員領有部發兵牌沿途驗票取給兵丁若
有借稱緊要事務將兵牌不與驗看多索兵
丁照多乘馬匹按數議處騷擾營汛照騷擾
驛遞例革職

驛官許送報部

一凡出差員役或該管上司違禁濫索夫馬及無勘合印據人等謊詐索取騷擾驛遞俱許州縣驛遞官一面申報該將軍督撫一面報部查寔將申報之員離任以應陞之缺即用

如因應付遲悞捏款謊報者革職督撫擅用夫馬及私發牌票索取亦准逕行報部照例陞用

私幫驛馬

一府州縣官如有藉口應付不足私令民間喂養驛馬及派令幫貼者降三級調用

私撥船隻

一官將應撥之船不詳止司私自撥給或擅行估價者俱罰俸一年

違悞驛務

一司驛官將奉旨特差重大事務及緊要軍務官役閉門不容進城或不換驛馬或毆打差員者俱革職提問不行稽察之同城該管上司降一級調用若賚

土用送

兵驛遞

兵驛遞

兵驛遞

兵驛遞

上用物件驛遞應付稽遲者降二級調用失察之同城該管上司降一級留任或稽遲應付違悞奏章或不按驛接替彼此互越或違例多給或將他人馬匹充伊驛馬驅使者均降一級調用失察高懸管上司罰俸六個月

驛站廢弛

一凡驛站馬匹不照缺補足及不用心喂養以致缺額疲瘦廢弛驛務者將管驛官革職布政使驛道知府直隸州知州不行查報降二

級調用督撫不行查察罰俸一年如驛道知府直隸州知州于每年查驗申報之時有捏飾徇隱扶同出結情弊發覺照徇庇例降三級

調用

驛馬虧缺疲瘦

一管驛官將驛馬虧缺虛冒驛費者革職按數追賠如有驛馬疲瘦該督撫查明果係地當孔道山路崎嶇站頭又遠差使繁劇者題叅之時即于疏內聲明將本官暫行解任仍以

題叅之日起勒限一個月賠補其員缺遴委賢員署理限內賠補全完題請准其復任限內不完即行題叅革職審追

扣剋驛餉

一上司將應給驛遞錢糧不照額數給發或本人告發或科道糾叅審實照侵欺錢糧例議處

多支驛站錢糧

一官員違例多支驛站錢糧十兩以上者降一級調用不及十兩者降一級留任多支後未及一年奏銷之期隨即扣解者罰俸六個月

給發勘合錯悞

一官員將不應給勘合之官給與勘合者降一級調用其照例給發勘合火牌內多填馬一匹者罰俸六個月多填二匹者罰俸一年多填三匹者降一級調用六匹以上降二級調用十匹以上降三級調用填寫應用硃筆誤用墨筆者罰俸三個月少填官役姓名

者罰俸六個月

〔背包額定觔數〕

一奉差員役所有背包定例不許過六十觔令頭站驛員稱準觔數開明印單每夜住宿之站該驛員詳加查估照例裝載于印單內填寫某驛驗明並無重包字樣日間經過驛遞即可驗單應付若有背包過六十觔許驛員將重包觔數詳揭將擅帶重包至七十觔者降一級調用再有多者照此遞加每十觔重

包至一百觔革職倘前站狗隱被後站查出

將狗隱之員降二級調用

〔解餉不照數給夫〕

一直省督撫凡解送餉銀須預行知會前途除有大道可通之處用車載騾馱外一遇深山僻路即嚴飭地方官遵例一輛兩夫如數撥給倘州縣官有不照數給夫遲延勒掯者即行指名題叅將不照數給夫之員照運解餉不照撥定兵丁名數護送例罰俸一

年將遲延勒指之員照稽遲應付例降一級
調用如解餉官員有將人夫工價折銀侵蝕
等弊即餉鞘未至疎失該督撫分別題參將
侵蝕夫價之員革職審究通同折給銀兩之
員照違例支給錢糧例降一級調用

解餉先期知會前途預備撥護

一凡州縣起解餉鞘錢糧先期知會前途文武
衙門預派官兵兵役備齊夫馬車輛按站運
送毋得潛行僻路如不預先知會前途任聽

乘其解後潛行僻路即餉銀未失該督撫查參將

因起解之州縣官照違漏行文例罰俸一年若

里六已准移文前途州縣不照數撥給夫役照不

行撥役護送例罰俸一年故意遲延勒指者

照稽遲應付例降一級調用

遲延公文

一舖兵傳遞往來公文府州縣等官不時巡查
令其依限速遞若有耽延沉匿諸弊該督撫
御史指名題參該管官每案罰俸三個月

遞送軍機處公文遲延

一乾隆十五年五月十五日奉

上諭向來軍機處交出公文簽發馬上飛遞者定限日行三百里遇有最緊要事件始以日行六百里字樣加簽公文緩急既有不同則遞送遲延處分亦應分別差等乃吏部議處此等案件不按三百里六百里之分但查覈時刻逾違俱照扣關公文例議以降一級調用此例殊未允協現干例議積案甚多著量加區別除沉溺軍情機密事件仍照

驛站舊例議處外其軍機處交出尋常緊要事件限日行六百里者倘有逾限准照扣關之例議處若係軍機處常行事件馬上飛遞日行三百里者逾限之處照公文遲延例議處著為令再軍機處交通公文原係酌量事件以定程期嗣後非遇最緊要事件亦不得以六百里簽發欽此

遞送遲延取結四條

一各省督撫將軍賚送本章撥差二人按限馳送如或中途遇有患病及隨馬受傷等事報

明地方官 查驗出具印結送部考核如有
捏稱稽留等情將出結官照不行查明給結
例罰俸一年

一凡遞送公文遲延因中途猝遇大雨或陰雨
連綿河水暴漲路途泥濘寔在阻滯及馬夫
因馬驚跌斃或渡河溺斃取有地方官印結
報部併逾限一二刻者俱准其免議其無故
遲延及因別項情由遲延至三刻以上者俱
照六百里三百里例分別議處

一恭遇

皇上巡幸遞送

行在之本章除寔在河水漲發舟楫難施以致遲延
時刻者令其隨報聲明送

行在兵部查核仍令地方官確查寔在情形于結內
聲明送部准其免議其餘遇雨泥濘馬驚隨
跌等情槩不得援請寬免

一沿途驛站各官凡馳遞本章及緊要文報應
有員弁押送者務須親身押送如文報到時

查無員弁隨同遞到即將不行押送之員查明
叅奏斥革併將該管之上司照失於查察例
罰俸一年

扣關公文

一凡有扣關公文必須開明事由守關官員即
行收接報明該督撫如稍勒不行收接及轉
報遲延該督撫即題叅將守關官員照遲悞
奏章例降一級調用如無故遞送違限三刻
以上將驛站官員亦降一級調用

軍臺接遞文報

一事關軍需緊要文報應由軍臺按限加緊遞
送其稍涉軍需無關係要公文及尋常摺奏
仍由驛接遞不得限四五百里由軍臺馳
送倘有混行簽發一經查出將簽發之員照
誤合錯悞例降一級調用

沉匿緊要公文

一各省驛站遞送公文令管站官各立印信號
簿上站號簿用下站官印于每月底彼此移

明查考倘有沉匿稽延等情卽行詳報該管
上司據實題叅不得故違容隱其沉匿平常
公文一角者馬夫照律杖六十每一角加一
等罪止杖一百提調吏典減一等官又減一
等若事干軍情機密文書而沉匿者不拘角
數馬夫杖六十徒一年提調吏典杖一百革
役司驛官革職如有所規避者各從其罪之
重者論

驛站多給夫馬科派累民

一雍正元年十月初五日奉

上諭查驛站關係重大經朕屢加嚴諭然其間積弊難
以盡詰有在官之累有在民之累如直隸山西差徭
更爲浩繁雖驛馬足數亦供應不敷乃內而兵部外
而驛道于給發馬匹時官吏通情受賄往往斤給浮
于勘合之數且行李輜重皆令驛卒乘馬背負多至
八九人不等所到州縣以見馬換馬向有舊例不敢
詰問至督撫提鎮經過之處更惟命是從嗣後照勘
合之外有敢多給一夫一馬者許前途州縣卽據寔

揭報都察院以聽糾叅如甲縣容情不揭而被乙縣
揭報者並甲縣一併治罪其督撫提鎮騷擾驛遞者
皆照此例庶少甦在官之累至若河南山東諸省離
京稍遠謂耳目易欺每驛額設馬匹不過十存三四
其草料工食仍照舊開銷且逐年詳報倒斃侵蝕補
買之價差使一至則照里科派將民間耕種牲口強
遣當差令其自備物料跟隨守候種種累民尤屬不
法著該地方督撫將所有驛站逐一徹底清查缺額
者勒限補買至派借民間牲口尤當勒石永禁違者
即從重治罪特諭欽此

私發馬匹

一上司私將馬匹發與州縣驛遞官員勒令輸
價者降二級調用督撫不行訪察題叅者罰
俸一年

欽定吏部處分則例卷之三十三目錄 兵

馬政

馬場

馬群官員議叙議處

扈從官員倒傷馬匹

領票買馬

馬販派索

解馬倒斃

喂養馬羸疲瘦

販賣馬匹

禁止盜買官馬

失察宰殺馬匹

拿獲竊馬議叙

欽

則例卷之三十三

馬政

馬場

一每旗分設馴馬各一場騾馬各五場設立

員外郎八員專管馬場將馴馬場分作十分

馴練不熟不堪用一分以上者將該管員外

郎罰俸三個月二分以上者罰俸六個月三

分以上者罰俸九個月四分以上者罰俸一

年五分以上者降一級留任六分以上者降

二級留任七分以以上者降三級調用將驟馬場亦共分作十分若于原給數缺額一分以上者罰俸一年二分以以上者降一級留任三分以以上者降二級留任四分以以上者降三級調用五分以以上者降四級調用

馬羣官員議敘議處

一管養息牧馬羣官員除正額馬外如有孳生至十匹以上者將總管官員紀錄一次四十匹以上者紀錄二次七十匹以上者紀錄三次自百匹至一百二十匹者准加一級管驢馬羣官員如一年一百匹馬內保全不致倒斃准加一級倒斃自一匹至四匹者紀錄二次自五匹至八匹者紀錄一次自九匹至十二匹者無庸議處議敘倒斃自十三匹至二十匹者罰俸一年自二十一匹至三十匹者罰俸二年自三十一匹至四十匹者罰俸三年自四十一匹至五十匹者降一級留任如有倒斃數目再多者照倒斃數目計筭

降級騾馬羣缺一分二分照馬場騾馬缺額例議處

扈從官員倒傷馬匹

皇上巡幸各處各部院衙門取用馬匹內倒失一二

匹者將該執事領去章京官員罰俸六個月

五匹以下者罰俸一年八匹以下者降一級

留任十一匹以下者降二級調用十四匹以

下者降三級調用十七匹以下者降四級調

用十八匹以上者革職其馬匹躓病損傷五

匹以下者將該執事領去章京官員罰俸六

個月十匹以下者罰俸一年十五匹以下者

降一級留任二十匹以下者降二級調用二

十五匹以下者降三級調用三十匹以下者

降四級調用三十一匹以上者革職至騎驛

馬內閣中書欽天監太醫院等官所騎馬數

既少不過三四匹如將所騎馬匹躓病損傷

一二匹者罰俸六個月三四匹者罰俸一年

倒失一二匹者亦罰俸一年三四匹者降一

級留任以上馬匹倒傷等項如該管官情願
賠補者免其處分

領票買馬

一民人無票私販馬匹暗通牙子將馬匹接賣
州縣官不行查出罰俸一年典史吏目驛丞
并該管知府同知道員各罰俸六個月該督
撫各罰俸三個月

一官員奉差買馬於號票之外多帶及假借號
票帶買販賣者革職所過地方官不行盤驗

查拿俱罰俸一年若徇情縱放者革職受賄
者革職提問其差委員役買馬溢數多帶者
將差委之官罰俸一年

一營驛各官不詳請督撫咨明兵部私自差人
來京買馬者罰俸一年

馬販派索

一馬販人等暗結將軍督撫提鎮子弟將疲憊
不堪之馬坐索高價而
道府營守代為
鑒派甚至無驛站之州縣管步兵之頭目一

槩派索其所屬之官勉強收受那墊應付將
不行約束子弟之將軍督撫提鎮降一級調
用知情縱容者革職勒派之道府降二級調
用被勒收受之員降一級調用上司各官徇
庇不行揭叅者降三級調用

解馬倒斃

一凡解送軍營馬匹每百匹准其倒斃三匹如
倒斃至四五匹者罰俸六個月六七匹者罰
俸一年八九匹者降一級留任十匹十一匹

者降一級調用十二匹十三匹者降二級調
用十四匹十五匹者降三級調用十六匹至
二十匹者革職二十匹以上者革職杖一百
三十匹以上者杖六十徒一年三十五匹以
上者杖七十徒一年半四十匹以上者杖八
十徒二年四十五匹以上者杖九十徒二年
半五十匹以上者杖一百徒三年如有盜賣
別情從重治罪至總理督解之員合其督解
總數按其倒斃多寡亦即照此分別議處治

罪

〔喂養馬羸疲瘦〕

一各省運米馬羸如原購州縣不加意喂養以致瘦瘦三匹以下者免議十匹以下者罰俸三個月二十匹以下者罰俸六個月三十匹以下者罰俸九個月四十匹以下者罰俸一年五十匹以下者降一級留任六十匹以下者降一級調用此此數多者草職該管道府五十匹以上者罰俸三個月一百匹以上者

罰俸六個月一百五十匹以上者罰俸九個月二百匹以上者罰俸一年二百五十匹以上者降一級留任三百匹以上者降一級罰俸一年三百五十匹以上者降一級調用

〔販賣馬匹〕

一奸人圖利將馬匹在接壤處所販賣與賊該管官員知情故縱者以同謀論拿交刑部治罪如不知情者州縣官草職提問府道降五級調用督撫降三級留任其販賣之人由本

凡拿獲各官俱免罪拿獲之官照拿獲興販
硝磺例議叙興販硝磺議叙定例詳載海防門內

〔禁止盜買官馬〕

一牧場馬匹除將口老殘疾者照例變價外其
盜賣私買者即交查哈爾都統直隸總督山
西巡撫及管關官員務行嚴禁查拿倘有違
例買賣將失察該管官員交部分別嚴加議
處

〔失察宰殺馬匹〕

一地方官如有失察宰殺堪用馬一二匹者罰
俸三個月三四匹者罰俸六個月五匹以上
者罰俸九個月十匹以上者罰俸一年三十

匹以上者降一級留任

宰殺病死馬匹照律不坐

〔拿獲竊馬議叙〕

一官員拿獲竊馬者每案紀錄一次其偷竊馬
匹經過地方各官免議

四縣民賦天各可免數
 一守員命察備州府縣各屬縣一及兵備州府
 全縣保兩州府
 四以上條制一州府縣
 查得本州府縣十州府一
 州三州府三四四皆備率六州府
 州府亦味本州府縣各屬縣一

欽定吏部處分則例卷之三十四目錄 兵

軍政

官兵擄掠

濫給千把委牌

補充兵丁

馬匹截曠按季扣除

脩造軍需器用動支錢糧

供應大兵俸餉

射箭不到

欽定四庫全書
卷三十四

貴州省古州各廳簡閱屯軍

緝拿逃兵

製造軍器

販賣軍器

包修戰船

違悞兵船

遲延官兵口糧船隻

修理戰船苛索使費

大兵班師封解鹽船

私鑄炮位

失察鳥鎗

失察竹銃

採辦硝斤

浙省委弁採辦硝斤地方官瞻徇延悞

私販硝磺

欽定四庫全書
兵軍政

欽定吏部處分則例卷之三十四

軍政

官兵擄掠

一 凡各處領兵出征大臣違令縱放所屬官兵
 將良民廬舍燒燬擄掠子女搶奪財物或分
 兵所往之處官兵私自搶擄者將武職交兵
 部議處諸王貝勒交宗人府查議如該督撫
 隱匿不行具題者將該督撫俱行革職
 濫給千把委牌

一各省額外外委千把總照經制原額添設一半于兵丁內揀選拔補如該督撫不于兵丁內選拔濫將管外之人給與千把總委牌者照狗死例降三級調用

補充兵丁

一兵丁缺出該管武職不從公速補及冒充之人不嚴查逐退該地方文職知情不報降二級留任該督撫不行題參罰俸一年

馬匹截曠按季扣除

一官兵馬匹截曠銀兩如有拖遲壓捺等弊該督撫等即行題參除營員交與兵部議處外將司道照乾沒侵欺不行查出例降一級調用

備造軍需器用動支錢糧

一各省備造需用盔甲器械船隻等項及有別項應用之處動支錢糧司道等官如不申詳督撫預行題明藉詞軍機緊急擅自動用竟

造入奏冊請銷者將擅動司道等官革職其所用錢糧俱不准開銷令其賠還代為奏銷之督撫降四級調用其已經申詳而督撫不行題明擅令動用者將申詳官免罪督撫革職賠還惟有正在剿克逆賊之際刻不可緩遇有軍需動用錢糧之事督撫司道等官一面具題咨報一面動用若不具題咨報擅自動用督撫司道等官各降五級調用其所用錢糧不准開銷令其賠還若司道等官並未

申詳督撫擅自動用者降五級調用令其賠還督撫竟為題銷者降二級留任已經申詳督撫不行具題擅令動用司道官免議將督撫降五級調用令其賠還

〔供應大兵俸餉〕

一各省供應大兵俸餉米豆等項如有重支錢糧不行扣抵將承放官員不論重支銀數多寡均降三級調用不行查報之司道等官降三級留任不行查叅之督撫降一級留任其

重領官員隱匿不行舉首者革職照數賠還
不行查出之叅領夸蘭大領兵大員俟回兵
之日照屬員乾沒侵欺預先不行查出例分
別議處至一應製造採買等項如有冒銷侵
欺事發俱照軍前供應米豆草束浮冒開銷
例議處舉首之員一併照例議叙

〔射箭不到〕

一官員射箭不到者罰俸兩個月

〔貴州省古州各廳簡閱屯軍〕

一古州屯軍演習令各該廳員于十月起至正
月親身巡歷督率簡閱兵備道仍不時委員
查驗務使屯軍技藝精熟毋致生疎如該廳
員不于冬季巡視各堡督率簡閱者降一級
留任道府不委員查驗罰俸六個月

〔緝拿逃兵〕

一兵丁有拐帶餉米盜騎馬匹脫逃者即行移
會原籍地方官向逃兵嫡屬名下嚴追拐逃
錢糧馬匹照數賠補還項再逃兵所去之處

嫡屬無有不知仍令該州縣嚴究寔情差役
緝獲如該地方官以無關考成不行嚴究緝
拿罰俸一年

製造軍器

一官員製造緊急軍需急用器物不行速完違
限遲延者革職若遲延預備軍需者降一級
調用

販賣軍器

一官民兵丁人等將軍器販賣與土司番蠻之
人該管官知情故縱者與同罪不知情者州
縣官降四級調用府道降二級留任督撫罰
俸一年該管官自行拿獲者免議有能拿獲
販賣軍器者照拿獲興販硝磺例議敘

議敘定例詳
載海防門內

包修戰船

一水師修造戰船如有不肖營員希圖射利包
修者將承修官與包修官俱革職督修官照
狗庇例降三級調用督撫降一級調用

〔違悞兵船〕

一官員大兵需用緯夫堵門相阻致緯夫越站者革職提問如全悞不行解到者革職如不照數僱給夫力與缺少者降二級調用

一官員大兵經臨需用船隻全無解到者革職如解船短少者降一級調用該管官不力行督催罰俸一年

〔遲延官兵口糧船隻〕

一官員將應給移駐官兵口糧船隻遲延者罰俸一年

〔修理戰船苛索使費〕

一交收戰船時武弁縱令兵丁人等藉端勒索使費除武弁交與兵部議處外將失察之道府等官照失于查察例罰俸一年如有通同徇隱者照徇庇例降三級調用

〔大兵班師封解鹽船〕

一官員因大兵班師將回空鹽船違例封解者罰俸一年

看守戰船

一預備戰船係交與地方官看守者令道府副
 叅等官不時巡察如不行謹慎看守損壞一
 隻二隻者將看守之官降二級留任損壞三
 四隻者降二級調用損壞五六隻者降四級
 調用壞至七隻以上者革職其用兵之時未
 坐船隻交與各該督戰章京各官謹慎看守
 毋致損壞大將軍等并會議大臣仍委夸蘭
 大叅領總兵官等不時巡察如有損壞將坐
 船督戰章京各官回兵之日嚴加議處

私鑄炮位

一凡地方不逞之徒如有私鑄紅衣等大小炮
 位者將炮入官該犯交與刑部議罪其失察
 之地方官革職兼轄上司降四級調用該督
 撫降二級留任

失察鳥鎗

一鉄炮火器不得擅自私用倘有私藏火炮不
 行送庫者將失察之該管官罰俸一年至各

省地方除臺灣民人不許製鑿鎗外其餘民間應用鳥鎗該地方官編號登冊以備稽查如有失察私藏不編號鳥鎗及私造鳥鎗發賣者亦罰俸一年

失察竹銃

一地方有私造私藏竹銃者將失察之地方官

照失察鳥鎗例 罰俸一年

採辦硝觔

一福建委員赴山東辦硝東省即派委丞倅人

員督同地方官協辦以該委員到東之日勒

限十個月辦足報明東省起運回閩如限滿

不能辦足即由東撫查參將該委員降職一

級協辦之丞倅地方官住俸再限六個月辦

完再逾限不完該委員革職留于東省採辦

事竣押令運回方許回籍不准開復協辦丞

倅地方官均降二級調用另行委員協辦

浙省委弁採辦硝斤地方官瞻徇延悞

一浙省委弁前赴江南河南二省採辦硝斤定

限六個月運回准其以到地之日報明地方官起限令該督撫飭令地方官協同委員採辦並派丞倅嚴加督催按依定限辦足運回仍將委弁到境運回各日期先行報部備查如產硝之地方官不實力督同採辦以及阻捐并硝戶將硝偷漏等情許委弁報明該管上司查催如委弁不即上緊採辦或有意故延遲候該地方官即稟報本省督撫查叅其江南河南產硝之地方官如有瞻徇延候一任過期不行辦竣初限不完將該地方官住俸限四個月趕辦完竣准其開復如再逾限即降二級調用

私販硝磺

一山西私礦山東江南河南私硝不論出產與經過地方該管各官失察者照失察私鹽例議處

查失察私鹽例凡該管吏目典史知州知縣等官失察一次者降職二級二次者降職四級均留任三次者革職道府直隸州知州等官失察一次者降職一級二次者降職二級三次者降職三級均留任四次者降三級調用

一山西陝山東武濟河南等處不備所屬
 一福建廣東等處各管兵察清明火察清
 一山西陝山東武濟河南等處不備所屬
 一福建廣東等處各管兵察清明火察清
 一山西陝山東武濟河南等處不備所屬
 一福建廣東等處各管兵察清明火察清

欽定吏部處分則例卷之三十五目錄

叛案

守城

承緝叛犯


通緝叛犯

查拿奸細

身受偽劄

失報投誠官脫逃

失繳偽劄



謊奏請功

...

...

...

...

...

...

...

欽定吏部員役例卷之三十五

叛案

守城

一府州縣城池失守將同城道府州縣印捕官

俱革職提問同知通判經歷照磨知事檢校

州同州判縣丞主簿等官俱革職不同城之

該管道府住俸催剿

承緝叛犯

一地方遇有叛逆重案失察之州縣等官革職

該管各上司降二級調用督撫降一級留任
地方官能將首夥各犯盡行嚴拿究治及將
逃叛即行全獲者免議如有在逃餘犯未獲
承緝各官均革職戴罪限一年緝拿限滿不
獲革任逆犯交與接緝官 緝拿督緝官
降二級戴罪限一年緝拿限滿不獲降一級
調用一年限內將逸犯緝獲准其開復接緝
官于接緝之日計算協緝官于逆犯發覺之
日計算如未滿一年仍停其陞轉緝拿俟滿
一年將接緝協緝官罰俸一年免其停陞未
獲逆犯照案緝拿如將叛逆人犯及其父母
兄弟妻子縱放逃走及逃犯未獲作為已獲
頂替者叛逆未滅謊報已滅者地方官俱革
職提問轉報之上司各降四級調用督撫降
一級調用其餘應行解部家屬不行解
部或聽其賣贖或謊稱亡故者降二
級調用如起解遲延並叛逆人犯出
入境內不能查獲者俱降一級調用

該管上司罰俸一年

通緝叛犯

一各省通緝反叛人犯潛匿在境該地方官知情藏匿者革職提問其並未查出以並無潛匿申覆後經發覺者如係案內首犯將州縣官革職知府降四級調用司道降二級調用督撫降一級留任係案內重要人犯州縣降二

級調用府道罰俸一年係案內牽連軍流入犯州縣罰俸一年拿獲叛案正犯要犯每一名准加一級拿獲叛案軍流從犯每一名紀錄一次

查拿奸細

一奸細出入境內不能查拿者州縣官員降四級調用該管上司降二級調用其京城奸細專責步軍五城三營大宛二縣嚴拿如被別項官員人等拿獲者該汛地方官員即照此例

議處

〔身受偽劄〕

一官員身受偽劄謊稱並未受過偽劄者革職
提問究擬徇情出結官亦革職提問

〔失報投誠官脫逃〕

一投誠官員棄劄脫逃不報及遲延者地方州縣官降一級
調用知府同知通判俱降一級留任道員罰俸一年

〔失繳偽劄〕

一官員繳送投誠偽官劄付印信遲延或並未
繳送捏稱繳送者俱罰俸一年

〔謊奏請功〕

一官員謊稱親身招撫偽兵呈請議敘及災報
多者革職代為具題官俱降二級留任

欽定吏部處分則例卷之三十六目錄兵

海防

違禁出海

漁船給照盤查

商船給照盤查

海船私租偷造并開口盤查不實分別議處

海船失事立限詳緝

出洋船隻入口

私給圖照

濫給往臺灣執照

閩省過臺偷渡

失察臺民眷屬偷渡

拿獲偷渡過臺人犯嚴究陸路會集處所

稽察過臺商船

廈防廳給照

臺灣社長

臺灣流民犯罪不行遞送

偷渡出洋

奉天山東二處民人渡海

稽查江南小洋山樵採民人

禁止攜帶砲械

興販硝磺

防守官失察硝磺

洋船入口壓帶硫磺

黃金販賣出洋

狗縱廢鐵出境

鐵鍋不許貨賣出洋

失察偷運米穀麥豆出海

東省豆船海運

失察多帶絲餉綢帛出洋

漁船夾帶酒米貨物不行盤查

匪船沿邊偷越出洋

奸船出入海口

洋面失事

失察糾夥製械出洋行劫地方官處分

汛口需索留難

海賊突犯

欽定吏部處分則例卷之三十六

海防

違禁出海

一凡官員兵民私自出海貿易及遷移海島蓋房居住畊種田地者俱以通賊論處斬該管州縣知情同謀故縱者處斬如不知情革職永不敘用該管府道各降三級調用總督統轄文武應降二級留任巡撫不管兵馬應降一級留任文武官員有能拿獲本汛出界奸

民者免罪拿獲別汛出界奸民十名以上者
紀錄一次百名以上者加一級總督巡撫統
轄全省道府管轄數州縣該管地方文武官
員拿獲或被兵民拿獲者總督巡撫道府均
免議至道府所屬之人出界如被上司拿獲
或非本汛係別處拿獲者仍照定例處分督
撫亦照此例如將違禁出海貿易之人不行
舉首反以外海作為內地或為隱匿或代為
央求或擅給印票往來偵探通商漂海均革
職提問其轉詳並未經查出之道府各降三
級調用總督降二級留任巡撫降一級留任
其出界晒鹽者亦照出界例處分

一在洋行走之船經過地方官並買貨物地方
各官知船經過不拿縱過者革職不知者免
議

漁船給照盤查

一出洋漁船止許單桅樑頭不得過一丈舵水
人等不得過二十名取魚不得越出本省境

界未造船時先行具呈州縣該州縣訊供確
實查取澳甲戶族里長鄰佑當堂畫押保結
並非為匪之人方許成造造完報明該州縣
驗明印烙字號姓名仍將船甲字號於大小
桅篷及船旁大書深刻并將船戶年貌姓名
籍貫及作何生業開填照內給發如有違例
將給照之州縣官降二級調用加級紀錄不
准抵銷其舵工水手隨時更易情所不免年
貌姓名籍貫不必遽填務於照後多留餘紙
俟出口時即責成守口員弁查驗船戶原照
將該漁船前往何處作何生業以及在船舵
水年貌的實姓名籍貫逐一查填入照鈔蓋
印戳照登號簿遇有一船為匪即可按簿登
緝如有越數多帶舵水人等或鬼名頂替者
汛口文武官員盤查填註不實降二級調用
內有夾帶硝磺釘鐵樟板等物者承查取結
之州縣官汛口盤查之文武員弁俱草職如
係賣放草職治罪其內港取魚五六人之小

船仍照常例

〔商船給照盤查〕

一商船出洋貿易許用雙桅樑頭不得過一丈八尺舵水人等不得過二十八名其一丈六七尺樑頭者不得過二十四名一丈四五尺樑過者不得過十六名一丈二三尺樑頭者不得過十四名於未造船時亦具呈該州縣取供嚴查確係殷實良民親身出洋船戶取具澳甲里族各長并隣佑當堂畫押保結准

其成造完該州縣親驗烙號刊名然後給照照後將船戶舵工水手人等詳開年貌履歷籍貫以備汛口查驗其有樑頭過限并多帶人數鬼名頂替以及汛口盤查不實賣放者議處治罪俱照漁船加一等惟夾帶違禁物件其處分與漁船一例查議

〔海船私租偷造并關口盤查不實分別議處〕
一謀利富民有將自造船隻租與他人者失察之州縣官罰俸一年租船出洋為匪者失察

之州縣官降一級留任明知造船受租而容
其造者降二級調用又如隔縣別府外省之
人欲造船者必於各該州縣呈明查確該州
縣申詳督撫轉飭沿海造船之地方州縣成
造仍照例查驗舵水槓棹刊烙號數姓名如
有違犯查明或係漁船或係商船各照本條
議處沿罪其有不遵例報官私行偷造者失
察之州縣汛口各官俱降一級調用海關口
岸出入責成該關管理稅務之委員稽查盤
察如有人照不符貨物互異即送地方官審
究如失於查察致匪船濫出濫入將該委員
即照汛口官員盤查不實例議處無委員者
將該關吏役治罪并將失察之該管官罰俸
一年

海船失事立限詳緝

一內洋失事文武帶同事主會勘至外洋失事
聽事主於隨風飄泊之處帶同舵水赴所在
不拘文武衙門呈報該衙門即訊明由何處

放洋行至被盜處所約有若干里數
 將該事主開報賊單報明該管文武
 印官查照洋圖定為何州縣營汛的
 轄一面飛關所轄州縣會營差緝其
 事主即行寧釋毋庸候勘並無論內
 外洋失事總以事主報到三日內出詳
 馳遞督撫衙門查核行查三海關各口將稅
 簿賊單互相較核有貨物相符者即將盜船
 夥黨姓名呈報關拿倘守口官弁有規避處
 分互相推卸或指使捏報他界者將推諉之
 員并照申報盜案互相推諉例降一級調用
 關口稽查之員役如於奉文之後按照單簿
 據實查出飛移所在地方將盜犯拿獲免其
 盤查不實處分如於未經奉文之先有能查
 出匪船拿獲稟報者照拿獲隣境盜犯例分
 別議叙

出洋船隻入口

一商人出外貿易原船損壞替造船隻來者到

金定人吏音身後
卷三十一
六
一 關時呈明地方官併海關監督查驗相對准其進入如原船不曾損壞竟造船隻帶來或暗帶外國之人偷買違禁之物者海關監督併防守海口地方官員不行查出俱降一級調用

〔私給圖照〕

一 近海省分宦紳之子弟家人私給洋船圖照違禁犯法本宦知情者革職不知情者降二級調用如係豪棍假托聲勢攀援影射與本宦毫無干涉者本宦免其議處

〔濫給往臺灣執照〕

一 地方官有濫給往臺灣執照單經該督撫題參一次者罰俸六個月二次者罰俸一年三次者降一級留任四次者降一級調用如有良民情願入臺籍居住者令臺灣府縣查明出具印文移付內地府縣知照該縣申報海道稽察仍令報明該督撫存案若臺灣府廳縣官不行查明以致奸宄叢雜居住經該督撫

查出題叅照隱諱例革職

閩省過臺偷渡

一拿獲偷渡過臺人犯問明從何處開船將失察水汛及本地文武各官照失察奸船出入口例罰俸一年如文武衙門隱匿不報或被告發或被上司查叅將該管之兼專文武各官均照諱盜例分別議處如船戶貪圖獲利在沿海地方私攬無照之人裝載偷渡過臺該地方文武官弁失于覺察及隱匿不報亦照此例議處

失察臺民眷屬偷渡

一臺灣流寓民人眷屬偷渡經汛口官弁盤獲查明本籍解回一名至十名者將本籍地方官照失察偷渡過臺人犯例罰俸一年十名以上者降一級留任二十名以上者降一級調用失察出入之口岸員弁亦照議處本籍地方官之例按名議處其有拿獲偷渡人犯狗隱不報者革職

一拿獲偷渡過臺人犯嚴究陸路會集處所
一拿獲偷渡過臺客民必嚴究沿海陸路
在何村鎮客店會集將該處文武員弁
或係知情或止失察悉照水汛失察偷
渡原例分別叅處至沿海陸路文武能
於客店聚集時拿獲及首報偷渡客民
者雖在本汛亦照拿獲偷渡按起獎勵
若將並非偷渡之人輒行妄拿圖功邀
賞者審實即行從重叅處

稽查過臺商船

一過臺商船舵水人等免查箕斗令原籍州縣官將各該舵水年
貌鄉貫填明照中或因有事另催就地給單填註取具船戶行保
甘結汛口各官驗明放行臺地各官做照內地設立十家牌填註是在
籍貫人口確數並作何生理遇有事故一體開除每月出具並無招攬游
民結狀報明所司查核如有違碍一經發覺將出結船戶人等照例
治罪尋籌稽查之地方各官該督撫查明叅送到日照失察偷渡
例議處

廈防廳給照

一商人置貨販洋由本籍取結給照出入貿易復屬洋船出口之期不及
籍請照又有在籍請到廈船已滿載欲搭別船者而照票違碍令廈
防廳查明此等情節即取具行戶船主保結准其給照前往將給照緣由一
面行知該地方官仍俟回棹之日赴廳領單如有朦混給照將該廳照盤
查商船不實給照例降三級調用

臺灣社長

一臺灣郡令地方官編排保甲即於現在居民內查有人材壯實係隨征出格効力者
一移取印各結給與外委功加例付准其委為社長闔社民人令其約束統屬地方文官
管轄三年之內果能約束有方民番和睦該管官出具考語保送該用如保屬優異番

民該管官 約束不嚴 降一級調用倘一
有冒濫情弊該管官照狗庇例降三級調用
臺灣流民犯罪不行遞逐
一臺屬流寓之人如有尋常戶婚田土口角等
項細故緣事到官罪止杖笞以下查明現有
室家產業不能遠離者照常發落免其驅逐
至犯該徒罪以上及一應奸盜詐偽恃強生
事干係地方與習為遊蕩素不安分者一槩
押令過水分別發落交與原籍管束不許再

行越渡如不行逃逐容留一二名者將承審
官照違令公罪律罰俸九個月三名以上者
罰俸一年五名以上者降一級留任十名以
上者照不行查拿奸棍例降一級調用

偷渡出洋

一海洋汛口文武官弁拿獲偷渡指偷渡外番十名

以上者專管官紀錄一次二十名以上者專
管官紀錄二次兼轄官紀錄一次三十名以
上者專管官加一級兼轄官紀錄二次四十

名以上者專管官加二級兼轄官紀錄三次
五十名以上者專管官准其以應陞之缺即
用兼轄官准加一級倘不實力稽查以致
疎縱十名以上者專管官罰俸一年兼轄官
免議二十名以上者專管官降一級留任兼
轄官罰俸六個月三十名以上者專管官降
二級留任兼轄官罰俸一年四十名以上者
專管官降三級留任兼轄官降一級留任五
十名以上者端管官降一級調用兼轄官降

二級留任隱匿賄縱者分別治罪其各員弁
 有降級留任之案倘能別案拿獲按其拿獲
 名數抵銷如三年內稽查嚴密本汛內果能
 肅清並無失察偷渡之案者查明保題准其
 開復若有偷渡人犯希圖開復捏飾隱諱事
 發照隱匿已身罪過詳請開復例罰俸一年
 該督撫不行詳察遽行保題者照不行查明
 遽請開復例罰俸六個月

〔奉天山東二處民人渡海〕

一山東民人往奉天貿易及奉天民人有過海若船隻出口入口該州
 縣給與印票將客人姓名貨物賣貨地方同船戶及手姓名開載票
 內守口官查驗掛號放行其往奉天傭工人等該州縣查明姓名年
 貌籍貫給與印票方許航海俟到卸船地方守口官查對印票年
 貌相符准其入口回時該地方官於原領票內鈐印令其帶回本地方
 查核如貿易傭工人等並無印票或與票內年貌不符及兵後人等刁
 難勒索者守口官自行查出免議如有疎縱等情降二級調用

〔稽查江南小洋山樵採民人〕

一江南小洋山一帶凡有赴山傭工貿易者地方官給與印票守口

一官弁稽查驗放并該山嶽口六處每嶽官設廠頭一名分管約束仍令該督嚴飭巡洋武弁并輪巡道府守口員弁嚴緝稽查不使稍有偷漏如有無照之人混跡其間將疎漏之守口巡山各員并分別叅處

〔禁止攜帶砲械〕

一沿海各省出洋商船砲械軍器概行禁止攜帶如地方官不嚴查禁止致商船仍行私帶者照失察烏鎗例罰俸一年

〔興販硝磺〕

一奸商於逆賊接壤處將硫磺硝磺等物販賣與賊不論官民俱嚴懲辦

斬妻子家口入官該管官員知情故縱以同謀論處斬其不知情者州縣官革職提問府道各降五級調用總督巡撫俱降三級留任將鹽觔布疋等物販賣與賊者販賣之人及知情故縱之該管官均照硝磺例治罪其不知情者州縣官俱革職府道降三級調用督撫降一級留任若將由本汛販賣之人盤獲其該管文武各官俱免罪拿獲之官議敘十名以上者紀錄一次二十名以上者紀錄二

次三十名以上者紀錄三次四十名以上者
紀錄四次五十名以上者加一級一百名以
上者加二級若不係本汛地方于別汛盤獲
販賣之人十名以下者紀錄一次十名以上
者加一級二十名以上者加二級三十名以
上者加三級四十名以上者加四級五十名
以上者不論俸滿先行陞用一百名以上者
越陞一級即用至于盤獲一人審時供出夥
黨係由捉獲犯人審出該管官員應免治
罪倘若誣拿良民將誣拿之人照律反坐

防守官失察硝磺

一違禁將焰硝礮磺軍器等物私載在船出洋
貿易者仍照律處分防守地方該管官員通
同知情縱放者亦照律治罪不知情者專汛
官員革職兼轄官員降四級調用統轄各官
降二級留任督撫降一級留任

洋船入口壓帶硫磺

一乾隆三十四年二月二十九日奉

上諭向來硫磺出入海口俱有例禁原因
磺餉係火藥所需自不便令其私販
若奸商以內地硫磺偷載出洋或外來
洋船私買內地硫磺載歸者必當實力
盤詰治罪乃定例於洋船進口時亦不
許其私帶殊屬無謂海外硫磺運至內
地並無干碍遇有壓艙所帶自可隨時
收買備用於軍資亦屬有益何必於洋
船初來多此一番詰禁乎嗣後惟於海
船出口時切實稽查不許仍帶磺餉以
叻偷漏之弊違者照例究治其各省洋
船入口禁止壓帶硫磺之例概行停止
著為例欽此

〔黃金販賣出洋〕

一有將黃金販賣出洋者照鐵貨
銅錢等物私出外境下海律治
罪其督關守口官弁受賄故縱
者與犯人同罪失於覺察者照

例恭處若官弁兵役借端留難
勒指商民者詳恭議處分別治
罪

一官辦金礦所得黃金准令洋船
收買其有私行販賣托名官金
者仍按律治罪


狗縱廢鐵出境

一一切廢鐵除內地販賣聽從民便毋庸禁止
外如有將廢鐵鐵貨潛出外境令沿海近邊

各官逐層查驗如有私販綢緞綿絹並于成
額之外多帶絲觔及官商逾額多帶絲斤紬
緞綿絹者每一百觔以上照米一百石以上
出洋之例將失察之汛口文武各官降一級
留任不及百觔者罰俸一年不及十觔者罰
俸六個月

漁船夾帶酒米貨物不行盤查

一漁船出洋不許裝載米酒進口不許裝載貨
物違者嚴加治罪其守口各官不行盤查罰



俸一年

奸船出入海口

一盜從外洋竊發非守口官所能越汛稽查守
 口官免議至在外洋行劫之後散黨登岸混
 冒入口將守口官罰俸一年若盜由海口以
 內奪坐船隻偷越出洋遇有失事發覺將失
 察守口各官均降一級留任如本案內尚有
 逸盜勒限一年緝拏全獲開復限滿不獲照
 所降之級調用若本案已無逸盜其降一級

鐵出洋之例治罪官役通同徇縱亦照徇縱廢鐵例
 議處凡遇洋船出口仍交與海關監督一體稽察至
 于商船每日煮食之鍋仍照舊置用官役不得借端
 勒索滋擾如此則外洋之鐵不致日積日多于防奸
 杜弊之道似有裨益至煮食器具銅鍋沙鍋俱屬可
 用非必盡需鐵鍋亦無不便外夷之處于朝廷柔懷
 遠人之德意原無違碍等語鐵船不許出洋例有明
 禁而廣東夷船每年收買鐵鍋甚多則與出洋之功
 令不符矣楊永斌所奏甚是嗣後稽察禁止及官員

處分商人船戶治罪之處悉照楊永斌所請行倘地方官弁視為具文奉行不力經朕訪聞或別經發覺定行從重議處粵東既行查禁則他省洋船出口之處亦當一體遵行著該部通行曉諭永著為例特諭
欽此

〔失察偷運米穀麥豆出海〕

一凡地棍奸牙違禁將米穀麥豆襍糧偷運出口及在洋接濟奸匪者其通同受賄及知情故縱各官照違禁出海律分別查議至地方

官不嚴查禁止該管及守汛官巡查懈弛將失察偷運米一百石以上穀麥等項二百石以上者均降一級留任米一百石以下穀麥等項二百石以下者罰俸一年米不及十石穀麥等項不及二十石者罰俸六個月

〔東省豆船海運〕

一東省豆船倘無印票裝運出口及有匿票私賣並與原票不符該管官不行詳查致有偷漏私越情弊者罰俸一年

〔失察多帶絲勛綢帛出洋〕

一各省濱海地方每船准帶絲斤俱照各該督

撫奏定額數無論官商客商俱不准逾額多

帶江南官商每船准帶二三蠶絲一千二百

勛客船每船准帶三絲三百斤浙江福建

商船准配土絲一千斤二蠶粗絲一千斤廣

東洋船准帶二蠶粗絲一萬斤本港洋船准

帶粗絲綢緞綿絹亦照定額只許奏准之官

商每船照數攜帶仍令各該關口文武各官

逐層查驗如有私販綢緞綿絹並於成額之

外多帶絲勛及官商逾額多帶絲勛綢緞綿

絹者每百勛以上照米一百石以上出洋之例

將失察之汛口文武各官降一級留任不及百勛

者罰俸一年不及十勛者罰俸六個月

〔漁船夾帶酒米貨物不行盤查〕

一漁船出洋不許裝載米酒進口不許裝載貨物違

者嚴加治罪其守口各官不行盤查罰俸一年

〔匪船沿邊偷越出洋〕

一匪船不由汛口沿邊私駕出洋者將失察之地方官

弁守口官降一級留任如承審官於獲犯時意存

迴護不將盜匪偷越地方究明指出者將承審官降二級調用

〔奸船出入海口〕

一盜從外洋竊發非守口官所能越汛稽查守口官免議至在外洋行劫之後散黨登岸混冒入口將守口官罰俸一年若盜由海口以內奪坐船隻偷越出洋遇有失事發覺將奪坐船隻不行查出之地方官及守口官均降一級留任如本案內尚有逸盜勒限一年緝拿全獲開復限滿不獲照所降之級調用若本案已無逸盜其降一級留任之案定以三年有能拿獲別汛奸船以及本汛並無失事者俱督撫查明具題到日亦一體准其開復

〔洋面失事〕

一外洋失事文職免叅內洋失事文職處分照內地無墩防處所武職之例初叅停其陞轉二叅罰俸一年三叅罰俸二年四叅降一級留任如洋面失事地方官有恐嚇賄囑不行通報及將內洋捏稱外洋將專兼統轄各官均照諱盜例議處或商漁船隻

寔被強劫捏報搶奪者均照諱盜為竊例議處屬員諱匿已經告發上司不查明揭報題叅者照狗庇例降三級調用

失察糾夥製械出洋行劫地方官處分

一海濱地方城鄉口岸漁船會集之所均做照保甲編立字號於漁船出入嚴加查察道員按季親巡督率府廳逐一稽查據實揭報遇有洋面失事之案除盜犯並非在本處糾夥製械者仍照向例議處外其有土著居民暨

流寓匪徒在該地方糾夥製械出口行劫者

專管州縣官照編排保甲不實力奉行例降

二級調用未獲盜犯交與接任官嚴行緝拿

兼轄之府廳係同城降一級調用不同城降

一級留任統轄道員降一級留任

汛口需索留難

一沿海關汛所有文武員弁巡查掛號之處嚴行飭禁不許借端需索故意留難如有此等情弊即行查叅將守口官弁照衙役犯贓例

分別議處如守口官弁借端留難勒措苦累
商民別經發覺將守口官弁照借端勒措例
降二級調用該督撫提鎮失于覺察罰俸一
年

海賊突犯

一海賊乘潮突犯殺劫村庄民人地方文職不
必住俸限年拿獲將該管州縣官與同城知
府等官俱罰俸一年該管同城道官罰俸六
個月俱照案緝拿

欽定吏部處分則例卷之三十七目錄 兵

邊裔

土官承襲

土司受賄匿犯

土苗緊要事件

上司濫行科派

商賈客民擅入苗地結親

臺灣民人不得娶番婦

漢奸流棍潛入土蠻地方滋事

湖南所屬苗疆田產不許漢民置買

漢民不准爭佔遠年田產

土官處分

土官計俸罰米

土官宜專責成

廣西土司地方歸承審州縣廳員兼轄

土司地方失事

土司案件全完議叙

土官承緝不力

土苗承審限期事宜

番人入內地為盜

民苗爭訟事件

土官藏匿苗犯

紅苗捉人勒贖

接壤頑苗構釁

苗地商人出入兵役勒索

苗疆兵役生事

苗蠻殺劫

承緝生番

臺地兵民不法文武推諉徇縱

土官土人遠赴外省

土司解逃

土司查解兇手盜首議叙

拿獲細掠販賣

貴州省買人地方官濫用印信

疎縱安插土司家口

疎脫安插土蠻犴獍并失察勾引處分

捏報土司並無子嗣幼小

民人捏稱土苗

巖疆西界互稽

川省拿獲咽喉議處議叙

歸化城夷漢命盜事宜

外番入內地

擅放貢船

通事伴送官處分

貴州省古州等各廳員失察通事需索

欽定皇朝通志卷三十七
朝鮮國貢使來京沿途護送

欽定吏部處分則例卷之三十七中
邊裔

土官承襲

一凡土官病故該督撫於題報之時即查明應襲之人取具宗圖冊結鄰封甘結并原領號紙限六個月內具題承襲至土官病故未經具題之先亦即令應襲之人照署事官例用印管事地方官如有勒指沉擱留難者將該管上司均照違限例議處

土司受賄匿犯

一土司隱匿兇犯逃人不行查解俟獲犯之日訊明如係土司受賄將土司革職提問不准親子承襲擇本支叔伯兄弟子姪取具宗圖併土人信服印甘各結題請承襲如係隱匿不報革職審無受賄情弊仍照定例承襲

土苗緊要事件

一辦理土苗事件除不關緊要者照常行文外其緊要事務有應行申報之處及各上司有

應行批飭之事俱由內署寫就鈔印釘封飭發仍于各內署按年月日期造具印冊密行掛號存案其文武平行衙門緊要文移亦照此例俱不得經書吏之手如仍令書吏抄寫以致洩漏事發之日將本官照洩漏密封例分別議處

土司濫行科派

一雍正二年五月十九日奉

上諭諭四川陝西湖廣廣東廣西雲南貴州督撫提鎮

朕聞各處土司鮮知法紀所屬土民每年科派較之
有司徵收正供不啻倍蓰甚至取其馬牛奪其子女
生殺任性土民受其魚肉敢怒而不敢言莫非朕之
赤子天下共享樂利而土民獨使向隅朕心深為不
忍然土司之敢于恣肆者大率皆漢奸為之指使或
緣事犯法避罪藏身或積惡生奸倚勢橫行此輩粗
知文義為之主文辦事教之為非無所不至誠可痛
恨嗣後督撫提鎮宜嚴飭所屬土官愛恤土民毋得
視為魚肉毋得濫行科派如申飭之後不改前非一
有事犯土司叅革從重究擬漢奸立置重典切勿姑
容寬縱以副朕子惠元元遐邇一體之至意特諭欽

此

商賈客民擅入苗地結親

一凡苗疆地方民苗結親聽從其便如有商賈
客民未經入籍踪跡無定者不准與苗人結
親以杜拐販如有擅入苗地私相連結滋事
將失察之地方官降一級調用該管上司罰
俸一年

臺灣民人不得娶番婦

一臺灣漢民不得擅娶番婦番婦亦不得牽手

漢民違者上官通事各杖九十地方官降一

級調用

漢奸流棍潛入土苗地方滋事

一凡有苗省分土蠻地方如有漢奸流棍潛入

滋事擾害或私通土苗教誘犯法地方官自

行查拿據寔究出者不論年月遠近俱免

議處若別經發覺將失察之地方印捕各官

降三級調用兼轄知府直隸州知州等官降

一級留任道員按察使罰俸一年統轄之督

撫罰俸六個月倘明知故縱有意隱諱者將

該管之地方印捕各官革職未經查出之兼

轄知府直隸州知州等官降一級調用道員

按察使降一級留任統轄之督撫罰俸一年

至土官延幕不將姓名年貌籍貫通知專轄

衙門查驗 通報私聘入幕照違令私罪

律例罰俸一年私聘犯罪之人入幕并縱令

金匱要略卷之二十七
犯法者革職治罪該管州縣佐襍失察土官私聘并查驗不實致犯罪之人准其延請者照失於查察例罰俸一年延請後有犯法作奸等事照不能察緝奸民例降二級調用

〔湖南所屬苗疆田產不許漢民置買〕

一湖南所屬苗疆地方苗田不許漢民置買如有外來民人或貪圖苗土或假稱置有產業攜帶眷口前來者地方官不許給照其經過塘汛亦不准放行如地方官不行查察濫准

買賣者其失察之地方官罰俸一年該管知府罰俸六箇月混行給照以致夾帶無藉之徒冒入為匪者發覺之日將該地方官降一級調用該管上司罰俸一年

〔漢民不准爭佔遠年田產〕

一永順永綏各苗其自歸化以後民人有指稱田產被苗佔去混執遠年契紙妄行瀆告者槩不准行至辰州鎮筸所屬凡有指稱康熙四十三年歸化以後雍正五年定例以前田

士不清混行呈控者槩不准理有司違例准理照擅受詞狀例降一級調用

士官處分

一士官如係地方失事止限年緝拿限滿不獲降一級留任如斬絞重犯脫逃亦限年緝拿限滿不獲應降一級二級三級調用者止降一級留任應降四級五級調用者止降二級留任應革職者止降四級留任如遇貪酷不法等罪所犯之罪重大仍行革職如諱盜因公墾誤例應革職等罪者俱免革職亦降四級留任

士官計俸罰米

一士官凡有

欽部案件奏銷錢糧及遲悞

表箋等項均應照處分流官定例一體處分但士官

不食俸祿如有罰俸降俸降職等事俱照其

品級計俸罰米每俸銀一兩罰米一石移貯

就近常平倉以備賑荒

土官宜專責成

一湖南鎮筭既設同知通判端管苗務其五寨司土官土民應聽該廳管轄遇有逃盜等事照例與土官一併處分

廣西土司地方歸承審州縣廳員兼轄

一廣西土司地方俱歸承審州縣廳員就近兼轄遇有失察疎防等事即將兼轄之州縣廳員照例查叅該管知府以統轄議處並令駐劄之佐雜會同土官帶領各頭目將外籍流

寓之人一併清查造冊送交兼轄官稽察如土司容留匪類立拿重懲佐雜土官藉端滋擾亦即嚴叅治罪若兼轄官有意瞻徇一併叅處仍於每歲冬季清查一次造冊通報督撫衙門查考其向無佐雜同駐之永定十二土司應令知府遴委妥員會同土官一例查辦遇有土目事故令土官申報兼轄官查明另補所有戶婚田土及徵收年例銀米仍照舊聽土

司自行辦理倘貪劣不職兼轄
官查揭詳參巡道有督率之責
如有應行議處事件將該道職
名一併開叅

王司地方失事

一無土官管轄之生苗為盜地方各官照野賊
苗蠻之例議處野賊苗蠻例載
在中樞政考其有土官管
轄之熟苗為盜劫殺擄掠男女財物該土司
明知故縱者革職養盜殃民者革職提問如

實係失察致蠻苗侵犯城池及聚一二百人
或六七十人城內為盜村莊道路行劫此等
大夥盜賊將該管土官亦革職該地方官不
寔力緝拏互相隱諱將該地方官并該管各
上司照民人為大夥盜賊例議處大夥盜賊
例載在中
樞政考其苗蠻聚集人數無多平常盜案責令
該土官限一年緝拿限滿不獲降一級留任
俟獲盜之日開復該地方官初叅停陞限一
年緝拿限滿不獲罰俸一年照案緝拿至鄰

近苗蠻地方民人被盜未經獲賊之先將該管各官停陞俟獲盜之日訊明來去踪跡如盜起自內地以文員為專管官降二級調用以武職為兼管官同城者降一級調用不同城者降一級留任統轄官降一級照舊管事上司官已經報明叅奏免其議處若盜自外來以武職為專管官以文員為兼管官

土司案件全完議敘

一土官中有能嚴行鈴束擒勦盜賊一應案件于一年內全結者該督撫具奏加級一年內完結過半該督撫酌量獎賞

土官承緝不力

一土苗夷獮有犯命盜抄搶拐掠爭訟等案如該犯居住土官所轄地方該土官准州縣移會詢庇不行拿解該州縣即揭報督撫題叅將該土官革職擇伊子弟之賢者承襲如果案犯在逃照內地承緝之例六個月限滿不獲將該土官承緝不力職名咨叅限一年緝

欽定大清會典事例
卷三十一
六
拏限滿無獲將該土官降一級留任俟緝獲
本案兇苗或能拏獲別案兇苗准其開復若
應議降級留任計至五案將該管土司革職
擇伊子弟之賢者承襲如犯居隔省隔邑者
俱以文到之日為始限四箇月務行拏解如
限滿不解查係庇匿即將庇匿之員指名題
叅照狗庇例議處若果係犯逃無獲照承緝
兇犯例六個月限滿初叅住俸勒限一年緝
拏年限滿日復叅降一級留任計至五案亦

行革職

土苗承審限期事宜

一土苗夷裸凡有命盜抄搶拐掠爭訟等事無
論案之大小俱照內地所定事件限期審結
承審案件以獲犯到官之日為始命盜案件
限六個月一切雜案限四個月至盜案內如
果虛實情形未分盜贓未確者預行咨部准
其限十個月其續獲盜犯到官已在州縣分
限以外俱扣限四個月審結限滿不結照例

咨參接扣限期完結如仍不審結該督撫題
參照易結不結例議處至苗夷有犯軍流徒
罪折枷責之案應從外結仍抄招咨送刑部
查核其罪應論死并情關重大之案一槩不
准外結亦不准牛馬銀兩抵償務按律定擬
題結如不肖之員或隱匿不報或改捏情節
在外完結者事發之日將該員照溺職例革
職其失察之該管各官一併議處

番人入內地為盜

一番人有入內地為盜者該管有俸土司住俸
俟三年無犯仍予俸祿若三年內連犯三案
者革去職銜無俸土司犯盜一案者降職一
級戴罪圖功俟三年無犯銷案如三年內連
犯二案者革去職銜俱令擇應襲之人承襲
并令該撫于疎防本內將土司有俸無俸之
處註明以便查議

民苗爭訟事件

一各省地方遇有民苗爭訟事件該督撫嚴飭

該管各官作速查審完結如地界兩省或有
關提之人或有會勘會審之處均即一面互
報兩省上司一面移會關提訂期勘審該上
司各嚴督該管州縣依期辦理報明各上司
備案如係重大之事州縣難于定案者該督
撫就近專委道府帶同覆勘倘有不肖之員
托故稽遲巧為推卸者該督撫指名題參照
例分別議處若該督撫任其遲延推卸不行
題參者照事件遲延例議處

土官藏匿苗犯

一紅苗歸誠納糧特設土官管轄除苗民有犯
輕罪者仍聽土官自行發落外若有犯殺死
人命強盜擄掠人口搶奪財物及捉拏人口
索銀勒贖等情責令土官將犯罪之苗查拏
解送道廳治罪如土官將犯罪之人藏匿不
即行解送者革職

紅苗捉人勒贖

一紅苗捉人勒銀取贖者令土官將犯罪之苗


解送道廳衙門審理治罪外其該管土官雖不知情但平日不嚴行約束有一起者將土知府知州罰俸三個月有二起者罰俸半年有三起者罰俸一年若該管官知情不行禁止者俱革職不准折贖責四十板若係教令或通同取利者革職不准折贖枷號三個月

接壤頑苗構釁

一黔楚相接之苗每因小忿動輒操戈殺擄彼此拿人其該管土官雖不知情但平日不嚴行約束以致彼此互相搆釁聚眾不及五十人者將土知府知州罰俸三個月至五十人者罰俸半年至百人者罰俸一年至百人以上者革職若係知情不行禁止者革職不准折贖枷號一個月責四十板若係教令或通同商謀希圖均分財物者俱照首犯一體治罪

苗地商人出入兵役勒索

一凡奸民出入苗地守把軍兵失于覺察及知



而故縱俱照律治罪外其商賈人等已經驗明如兵役借端措勒索詐者兵役治罪該地方各官一併題參照失察衙役犯贓例議處

苗疆兵役生事

一新定苗疆地方塘汛兵丁擅役苗民需索強買等情及各衙門差役經由苗寨擅動苗夫科歛索詐該管文員如有心故縱者革職提問不行查出之該管知府降二級調用兼轄之司道降二級留任督撫降一級留任如兵

役滋事擾累事發不行申報復希圖掩飾曲為徇隱者將該員革職不行查出之該管知府降一級調用兼轄之司道降一級留任督撫罰俸一年如並不知情止于失察者將該員降一級調用不行查出之該管知府降一級留任兼轄之司道罰俸一年督撫罰俸六個月

苗蠻殺劫

一凡苗蠻殺劫或倚山負險或恃眾窩藏令專汛文武員弁各率兵役協力擒拿如有緝拿遲延藉端推諉令文武互相揭報題參將遲

延推諉之官照申報盜案互相推諉例降一級調用

〔承緝生番〕

一臺灣府屬地方凡生番突出殺人之案該督撫扣限六個月查叅疎防將該地方官降一級留任勒限一年緝拿限內拿獲准其開復不獲即照所降之級調用

〔臺地兵民不法文武官推諉徇縱〕

一臺灣地方如有民人不法等事許令武員移送地方官究治如兵丁生事滋擾亦許文員開會營伍責懲如有彼此推諉者照推諉例罰俸一年并飭各該地方汛防員弁實力奉

行彼此按月稽查將並無兵丁滋擾之處轉報該上司查核如或有意徇縱將該地方官照徇庇例議處

〔土官土人遠赴外省〕

一土司省分其土官土人如有差委公務并緝拿逃盜等事應遠赴外省者許呈明該管官轉報本省督撫請領咨文牌照知會所往省分外省督撫于伊事竣日計程勒限毋許逗遛仍給與咨文牌照知會本省督撫倘土官

土人不請咨文牌照私赴外省者將土官革職土人治罪不行管束之本省該管文武各官降一級調用失于查報之外省地方官罰俸一年如土官土人有潛住外省生事為匪別經發覺者將土官革職土人治罪不行管束之該管文武各官降二級調用失於查報之外省地方官降一級調用

土司解逃

一雲貴土司無論逃人逃兵拏解六十名者准加一級如多獲者亦照此數遞加不及加級者令該督撫酌量獎賞如該土司地方將逃人失察一名或被別土司拿解或逃出之人供在某土司處將土司降一級留任若在伊該地方明知故行隱諱不行出首者照隱匿逃人例革職

土司查解兇手盜首議敘

一不拘本省隣省之兇手盜首逃匿土司地方該土司能查解五名以上紀錄一次十名至

十四名紀錄二次十五名者加職一級二十
名者加職二級如一年不敷議敘之數并准
次年接筭議敘不准三年合算

拿獲網掠販賣

一貴州雲南四川等省棍徒勾串頑苗網掠人
口輾轉販賣令地方文武巡緝各官年底分
別勸懲如一年之內有能拿獲興販棍徒并
頑苗十五人者紀錄一次拿獲三十人者紀
錄二次拿獲四十五人者紀錄三次拿獲六

十人者加一級再有多獲者照數遞加紀錄
至一百二十名者加二級若拿獲一百二十
名以上者以應陞之缺即用若一年之內不
能拿獲經別處拿獲者每五人罰俸一年十
人罰俸二年十五人者降一級調用二十人
者降二級調用滿五十人者革職該管土司
無降級之例滿三十人者革職其所獲興販
棍徒頑苗必將被掠人口一併拿獲審寔定
擬報部方准照數紀獎如有以少報多者將

原報官照謊奏請功例革職若該督撫及該
司道等容徇朦混者照謊奏請功具題官例
降二級留任如有賣囑誣報妄拿良民陷害
者照誣良為盜例分別議處

貴州省買人地方官濫用印信

一貴州苗民買賣子女設媒用印之處俱照定
例遵行如地方官於契上鈐印時不查明確
寔將苗民男婦濫行用印賣與川販者照地
方官妄用印信例降一級調用如來歷分明

胥役家人於驗契用印時故意勒措借端需
索許買賣主當官稟明將胥役家人計贓治
罪官係失察照失察家人衙役犯贓例分別議處
如係故縱照縱役貪贓例革職至印買苗口
以後有帶回原籍別地方者令其報明地方
官給與路照填註男女姓名年貌關汛員弁
驗明契照放行如有兵役無故留難勒索財
物者許其稟明按律究治倘並無用印契照
冒稱良民所買苗口賄通關汛縱放出境者

一經發覺兵役計贓定罪該管員弁亦按失
察故縱受財各條分別議處

疎縱安插土司家口

一土司并家口分別罪犯遷于遠近省安插者
飭令該地方官不時稽查毋許生事擾民出
境如疎縱土司本犯將該地方官照軍流罪
犯取保脫逃例議處如疎縱土司家口照疎
脫逃回原籍人犯例議處

疎脫安插土蠻獯獯并失察勾引處分

一安插土蠻獯獯人犯家口地方嚴飭文武官
弁稽查約束造具年貌清冊申送于年底報
部倘地方官不盡心約束以致疎脫者將該
管文武各官照疎脫流犯例議處再蠻獯頭
目犯法該地方官必根究勾引之人審明確
寔照例加等治罪遇

赦宥其失察勾引之地方官照狗庇例議處

捏報土司並無子嗣幼小

一各該督撫于土司應遷之家口據寔確查其

妻妾子女與應遷之父母兄弟照例遷徙外如該犯祇有妻妾並無子嗣及子嗣幼小又無應遷之父母兄弟即將伊妻妾幼子免其遷徙安插于本省省城令地方官稽查管束勿許生事至犯軍流罪改土歸流之士司家口無論有子無子照例隨同本犯遷徙外如本犯未遷之先身故並無子嗣及子嗣幼小者亦將伊妻妾幼子免其遷徙安插省城俱令地方官稽查管束勿許生事該督無印可

應行遷徙與應留本省情由於疏內聲明仍令地方官查詳報部查核如該地方官有捏報並無子嗣及子嗣幼小別無應遷之父母兄弟等弊將捏報之該管地方官照軍流人犯無年老父母稱有有以次成丁稱無之例降二級調用轉詳之上司罰俸一年具題之督撫罰俸六個月

民人捏稱土苗

一各省凡有土苗地方如遇軍流徙遣等犯內

有民人捏稱土苗事發之日將該犯各依本律發配各加枷號分別治罪地方有司官員不寔力查察致被奸民欺朦若失察濫免寔軍寔流發遣者照軍流等罪承問失出例罰俸一年濫免寔徒減為罰俸六個月

巖疆兩界互稽

一凡保甲編排不許容留面生可疑之人熟苗熟獐一體編排保甲地方官有不寔力奉行不能稽查盜賊或別經發覺將專管州縣官

降二級調用兼轄官係同城降一級調用不同城降一級留任統轄官降一級照舊辦事如上司揭報題叅者免議凡巖疆交界兩地文武預行開會兩界互稽使匪類不能潛聚毋得彼此推諉倘保甲鄉勇人等有踈縱奸徒怠玩巡緝及互相隱匿等弊地方官未經察出該督撫題叅照例議處

四川拿獲咽喉議處議叙

一四川之咽喉皆緣各省匪類潛入川省滋生

事端如文武各官有能于半年內拿獲此等匪人一起者准其加二級半年以外過功相抵不准議叙如在該地方容留已過半年並不寔力查拿或被隣境盤獲或因別經發覺者革職如失察雖在半年以內犯該軍流以上罪名照失察奸民例降二級調用如地方官訪知入境不即弋獲究治僅予驅逐後經犯案究出將經過之地方官照盜賊經過不行窮追例降一級留任連界州縣接到關會

查拿不即拿獲以致遠颺照盜賊連界州縣協緝不力例罰俸一年隣境拿獲如罪應斬絞者照拿獲隣境兇犯例每一名紀錄一次如罪止發遣者照拿獲隣境積匪例每二名紀錄一次准其前後接算

歸化城夷漢命盜事宜

一歸化城蒙古命盜等案人犯係民人由同知通判申報都統派蒙古官承緝至事主屍親報呈內不開兇盜是蒙古是民人者蒙古官

雖無叅疎防之例亦應與該同知通判分途
緝獲勒限查叅俟拿獲兇盜後查明是蒙古
將該同知通判等原叅議處過各案悉行查
銷開復係民人將蒙古官記過之案註銷罰
過之牲給還倘有以民報蒙古者一經查出
題叅將申報之同知通判照諱盜諱命例革
職轉報之上司等俱照諱盜諱命上司例分
別議處以蒙古報民人者蒙古官亦照內地
諱盜諱命之例革職其大朔二府衛所管轄
地方與西四旗係處該管文武員弁照例分
別責成辦理至西四旗游牧總管所部蒙古
有犯命案者查叅到日俱照八旗滿洲官兵
閒散互毆致死例將專管之佐領驍騎校照
八旗佐領驍騎校議處兼轄之叅領照八旗
叅領議處總管副總管照八旗都統副都統
議處其太僕寺馬羣官員所部蒙古如犯命
盜案件查叅到日專管之協領兼轄之翼長
統轄之總管等官亦照此例分別議處再各廳

所轄地方如有強劫及搶奪傷人行竊拒捕
蒙古民人交涉案件經事主告報到官該同
知通判即移會蒙古官員訊供如事主向蒙
古官告報該蒙古官亦即呈明都統會同同
知通判訊供各通報各該上司分別勒限協
緝仍分別盜犯是蒙古是民人係民人將該
廳官員等題叅踈防照盜案勒限緝拿逾限
不獲將同知通判照承緝官例該上司照督
緝官例按限議處如係該同知通判自行承

緝事件仍照承辦官例議處係蒙古其承緝
之蒙古官員交理藩院議處其餘搶竊並未
拒捕傷人各案亦令各行逐案通報其承緝
之同知通判將已未緝獲各案彙報巡撫等
衙門分別飭記功過蒙古官員照例按限叅
處倘應報之案該同知通判與蒙古官隱匿
不報或諱盜為竊減重作輕者查出將承緝
官員題叅該同知通判照諱盜例革職該管
上司亦照上司諱盜例議處蒙古官亦照內

地諱盜例革職其餘搶竊細事如不據寔申報者將同知通判等罰俸九個月

一歸化城蒙古與蒙古命盜案件令該同知通判驗訊通報即申請都統就近派委土默特叅佐領等員會審起限照例咨題完結其蒙古與民人交涉命盜案件申請都統派委叅佐領等員會審起限照例咨題完結其一切限期俱照內地定例辦理如再遲延分別按限查叅倘有瞻徇推諉以致案懸不結者即

照易結不結例叅處

外番入內地

一外國之人私自進口該管地方官不行查報者降一級調用該管上司罰俸一年

擅放貢船

一督撫將一應外國進貢船隻並不具題請旨私自放回者革職

通事伴送官處分

一在京在外軍民人等與

朝貢外國人私通往來投托撥置害人因而透漏
事情者俱發邊衛充軍通事並伴送人係官
革職

貴州省古州等各廳員失察通事需索

一古州都江八寨丹江台拱清江各廳員所用
通事務宜慎選承充止許奉差傳譯苗語不
得私至苗寨需索擾累一應苗民事件許令
赴該廳員衙門訴告該通事如有把持朦蔽
等弊立即嚴拿責革究治仍令古州道不時

留心訪查倘該通事有需索擾累情弊該廳
員失于覺察照苗地失察兵役滋事擾累例
降一級調用如有意徇縱不行究治者將該
廳員比照兵役滋事擾累苗民該管官曲為
徇隱例革職

朝鮮國貢使來京沿途護送

一朝鮮國貢使入邊之時沿途輪站派官帶領
兵丁彈壓查點護送來京迎送通官令其接
待外藩通其言語如迎送通官等與該國人

役扶同誣賴平民網縛拷打等事者降二級
留任地方官預備店舍不周約束不嚴者罰
俸九個月

轉糧商賣對考私弊盜贓等類

向到國軍類

願長山期天對對事對私由用務等類

有一縣民用收官費不付家銀等類

員去干察察則苗由大察其對等類

以行立對對私事等類

三十一



